



KENYATAAN MEDIA

**YB DATUK MADIUS TANGAU
MENTERI SAINS, TEKNOLOGI DAN INOVASI**

Mengenai

KEADAAN CUACA KERING DIJANGKA BERTERUSAN HINGGA HUJUNG BULAN SEPTEMBER 2015 12 SEPTEMBER 2015

Malaysia dijangka mengalami cuaca yang kering, Monsun Barat Daya, sehingga hujung bulan September 2015.

Berdasarkan perkembangan terkini, keadaan cuaca berjerebu dijangka berterusan disebabkan tiupan angin Barat Daya yang membawa “asap” dari tempat-tempat yang mengalami kebakaran di Sumatera dan Kalimantan. Berdasarkan cerapan satelit semalam, 11 September 2015, terdapat 304 titik panas dikesan di Sumatera, Kalimantan (25) dan Semenanjung Malaysia (1).

Peningkatan bilangan titik panas di Sumatera dan Kalimantan dan keadaan cuaca yang agak kering pada tempoh beberapa hari yang lepas telah mengakibatkan berlakunya keadaan berjerebu yang agak teruk di negeri Sarawak dan beberapa negeri lain di Semenanjung. Sehubungan dengan itu, MetMalaysia telah mengeluarkan amaran jarak penglihatan yang rendah di perairan Selat Melaka, Sarawak, W.P Labuan dan barat Sabah bagi memaklumkan supaya kapal-kapal yang tidak mempunyai alat navigasi agar berhati-hati apabila melalui kawasan-kawasan tersebut.

Selaras dengan Peraturan Tetap Operasi (PTO) dalam Plan Tindakan Jerebu Kebangsaan, MetMalaysia dengan kerjasama TUDM telah bersiap sedia untuk melaksanakan operasi pembenihan awan jika nilai Indek Pencemaran Udara (IPU) berada pada tahap tidak sihat (IPU melebihi 101) untuk tempoh 72 jam secara berterusan dan keadaan atmosfera dan awan adalah sesuai.

Kementerian Sains, Teknologi dan Inovasi melalui agensinya, MetMalaysia, akan sentiasa memantau keadaan terkini. Sebarang perkembangan mengenai keadaan cuaca ini akan dimaklumkan kepada pihak berwajib demi kepentingan orang ramai.

Sebarang pertanyaan, orang ramai boleh menghubungi Talian Hotline 1-300-22-1MET<tel:1-300-22-1638> atau melawati laman sesawang MetMalaysia, www.met.gov.my dan media sosial MetMalaysia, facebook dan twitter, [malaysianmet](https://www.facebook.com/malaysianmet).

Datuk Madius Tangau
Menteri Sains Teknologi dan Inovasi



Unit Komunikasi Korporat
Kementerian Sains, Teknologi dan Inovasi
Malaysia

Norlida Binti Mohd Ibrahim
Phone: 03-8885 8141, Fax: 03-8890 3092
Email: norlidaibrahim@mosti.gov.my